

南靖縣志

第二卷

南靖縣志目錄

卷首

序文

凡例

姓氏

圖畫

目錄

卷一

星野

沿革

疆域

形勝附

城池

街巷附

公署

舖廛附

學校

壇廟

卷二

山川

水利附

津梁

坊里

風土

卷三

賦役

卷四

官制

職官

兵制

武職

卷五

選舉

何孟陽

卷六

寺廟

人物

儒林

循良

孝義

武功

隱逸

流寓

恩榮

耆德

仙釋

列女

卷七

物產

宅墓

寺觀

古蹟

卷八

祥異

雜記

卷九

藝文上

奏疏

書

序

記

傳

雜著

卷十

藝文下

賦詩

南靖縣志卷之二

邑令浮梁姚循義斐園氏編輯

山川 水利附

譜山川當倣禹貢導山導水之體山之聯貫
來去水之發源會流脉絡分明方使閱者瞭
然有江山一覽之概夫淵嶽渟峙陵谷盤紆
興雲致雨煙嵐蘊膏蔭之施生甫及申雄異
兆降神之瑞靖雖僻隅而千峰萬嶂逶迤錯
落巖壑旣邃流派亦繁傳造化之精英植黎

元之福命物華天寶人傑地靈皆由於是焉
得不致其周詳歟志山川

按靖邑以雙溪爲形勢諸山羅列夾岸環峙當分南
北境編排庶不錯亂

雙溪北條之山與郡城同脉從大庾虔汀東行至熊
崗嶺自龍巖州東寶山龍巖洞翠屏峰連雲嶺諸山
脉絡相串入漳平界覆鼎山南逾三重嶺當漳平龍
巖南靖之界有朝天嶺又南東至于天寶列峙五峰
爲五鳳山以上與府龍同乃自鳳山西麓分支劈脉石巘清

峭過峰蒼嶺南折而西爲縣之主山曰歐寮山其西
出旁峙者曰整雅尖再出爲鏡山臨於水際特奇者
爲寶珠山其遠在西北爲郡縣幹龍右翼者爲金山
有高峰突起聳拔者爲鷺髻山臨於水潮者爲五雲
山溪邊圓腴者爲浮山

雙溪南條之山自平和來遠從汀州永定連峰數百

望其最高者曰大峰山逾五牙山

亦名
礬山

東行爲瑄山

山麓卽南
勝縣舊址

其名勝者曰三平山入靖界聳出工南方

者爲天馬山

亦名鷺
頭山

鼓旗山則几案之層巒縣治類

焉與鵞頭山相連屬者爲林壁山

卽榜眼山

橄欖湖山當

縣前臨雙溪之南黑潭之北近而低伏者爲湖山其

崇員峻拔尖秀挿天峙於東南方者爲員山左郡而

右邑百里之內風雲應之其遠在東南者爲西天山

亦名
獅山

山麓有石磐山鄰漳浦界有大帽山老竈山五

峰山巖山仙人亭山縣之正南有虎頭山烏翠山觀

音獨坐山

夾雙溪之間與鏡山對峙爲縣右翼者曰麒麟山

龍巖州上方山至分水坡歷石佛塌仙嶺鶴頂山頭

從高山過脉轉新村左出者爲龍山巖頭諸峰巒其
南行由龍潭竹員山白魚徑至鴈塔獅頭山穿南陂
大埔頓起麟峰而盡其西北之遠者和溪鄉自員沙
鋸齒頓龍過崗起尖峰山魁山蝴蝶雙飛山鳳山又
龜洋山亦從分水坡分出有大元石英山雨水夾之
自爲一區又縣西南之最雄秀奇麗者爲紫荊山從
永定界歷施洋梅壠張窖數百里叢山疊嶂紆迴綿
亘出南坑至山城中流砥柱五峯聳翠雄踞一方焉
又翠微山庠豁而擁平疇起黃井徑口過東埔歷三

平抵居仁里等村

南靖之川卽漳郡之西溪又曰雙溪以大小二溪合流縣治前得名其上有廣源焉 大溪西來發源平

和清寧里大峯山東北出者名曰高山水流東其下爲高山溪又東北流曰溪口溪左自大小坪右自南勝之溪合流過銅壺洪瀨至紫荊山下西塲寨會三團溪趨吳田仙人渚繞麒麟山至縣前會小溪東南流出上釜湖山石壁下徑墨塲塔尾洲茶筒山峽口西渡東流赴郡徑員山之陰而繞郡城爲南門溪過

爲詩浦溪從此曲而抱城乃東過浦頭出文山會北
溪爲三叉河同入于海 其小溪發源縣北永豐里
界龍巖自員沙坂塲出和溪山水叢會綜大小十七
谿壑潈紆盤曲環抱和溪司寨下過坛水坑南流至
水湖繞金山之陽出湧口會西溪竹員至寶林合深
渡溪經鴈塔山下南至寶珠山出峽注海渚潭繞縣
西門至縣前會大溪向員山東南流入海 深渡溪
源出永豐里朝天嶺下歷苦竹南流至深渡出磴盤
紆廻至寶林入小溪 三團溪發源永定界割竹由

南溪集卷之二
四
梅壠施洋張窖迴繞逆流東北至龜洋合隱溪上下
磴水折而東南流出船塲經吳宅巖山下白沙坑繞
南坑山陰至山城東入大溪 南溪源始平和三坪
寺經老竈山下二水匯流東迤至馬坪盤桓多怪石
關鎖名九曲溪轉至漸山經馬口受漸山椽潯諸水
合巖前溪東過橫口又東沿浮宮入于海

山川總譜

歐寮山 又名大帽山又曰三鳳山爲縣治主山
後峙五峯端巖峭拔巒頭圓睜豐滿支麓袤延

盤繞鬱爲方隅之鎮八景之一曰歐寮挺翠山
下有安福寺澗水經其前溯流深入危礪盤紆
石壁千雲泉聲若風雨 文學戴弘業詩疊嶺
兼雲峻懸泉帶雪馳浮杯延水曲高興與山奇
九節菖蒲草萬年松樹枝更當洗石壁鐫作此
山碑

鏡山 距縣西北五里每夕陽返照烜然有光八
景之一曰鏡山夕陽

整雅尖 與鏡山相屬秀峭峻聳拔出衆山

寶珠山 在縣西五里形圓如珠夾於鏡水磨石
之間號曰二龍爭珠山頂多怪石下有溪流廻
繞蓋鴈塔南陂等社之鎮口也八景之一曰寶
珠怪石山下舊有周濂溪祠 孝廉吳士霖詩
古道峒嶢不可攀濂溪祠下仰珠山也知此日
吟風月誰識當年樂孔顏

五鳳山 在縣北十五里五峯峭峒周廻百餘里
爲歐山之後屏東連天寶山上有寶巖洞芙蓉
城百丈泉鬼磴坑宋時有夜明珠飛入九龍江